

Pola Timotimo tiratna outna timbiŋ rapar Outna kam

Timoti tikca ma Iesusa ripacrena laiplacar ŋgam ian, na ma Listara auŋ aniacnan. Na Listara auŋ aniaca ma Galesiana pitrikca eacrena. Na mana aemma ma Iudanangepta wiwitnan, na mana aetta ma Giriknanta wiwitnan. Na Pola ma Timotimo aŋgia manap Raraŋ Aetaniacna aiŋa mona taŋrina, na Iesusna Up Aŋgirena Ramtairta Aiŋna Nininina Timbigta Kapna sapta 16 wes 1 taŋca wes 3na inikca wat. Na Timoti tikca ma Epesusna Iesusna ritipaikta meikramtairta tumbunna ramoot paŋanna kirar toc ndarurina, aintik Pola manmo gan timbiŋ rapara tirra neaŋga taŋrina.

Na gan timbiŋ raparna outna kambca, ma Timotimo gaindoprina, ma ndomo matau wat, moca ramtair ndeida anna meikramtairta ritipaikca mo ŋgocrai nari. Na an ramtaira mina kabena iro landamŋiarap, na anna gaind, gan tiacarpaikna reikca mina laiŋga wanaiŋ. Aintik ramootta eteacna wat gidikca aŋgina mo te, ma amta reik ndeidmo wandik tiknandet, na ma mba laŋgoitndait.

Na gan timbiŋ raparna kabena kambca gaindoprina, anna mbembendeina tipemb kirarimo mataua bubuocnanapa, Iesusna ritipaikta meikramtairta tumbunmo mataua bubuocna. Na mandaia Iesusna ritipaikta

meikramtairta tumbunna nginaña mona ramoot pañan ndarunan, co, Iesusna ritipaikta meikramtairta tumbunna aiña ramoot ndarunan, an kamb toco ma mboprinan.

Na gan timbiñ raparna mamamaina kambca ma Timotimo Iesus Karaisna aiña momona ramoot lañ ndeacna kammapp. Na an kam toco, ma Timotimo titocna tipemb kirarira Iesusna ritipaikta meikramtairta tumbunna kabe, kabemo mo ndopna kammapp.

**Timoti ma ndona tipemb
kirarirmo matau wat, na Iesusna
ritipaikta meikramtairta
tumbun motocmo matau wat**

(1—6)

¹ Aku Pol, Karais Iesusna up anğirena ramoot. Na Rarañ Aetaniaca ai mac nda anğina ramootapa, Karais Iesus, ai mac nda anğina ramoot, aia lambirenan, maniña kam gargar mbuña aukmo gainoprina, “U up anğirena ramoot ian.”

² Na u Timoti, u aukna ritipacna nuoc lañ ngoin, aintik aku umo gan timbiñ rapara tirra neanğa aindopek, aina Rarañ Aetaniacapa, aina Kacoot Karais Iesusna, nenmo kadmaiapa, kakadmaina opotacapa, nena iroar inkarmo, moi wewettaca lañ ndeacnandet.

Aia paparuna kambmo moi irik

³ Na aku tonjorinanna, u Epesus aun aniac ndeac te, aku Masedoniana pitrik inikna aujembmo mbukca taña. Aintik aku umo gagraca mambopek, te, u ramtair ndeidmo u gagraca mbopca, mina paparuna kambca kai ripti teac. ⁴ Na an wanaiña ninirena kammapa, ndorita nicar ngamrirta irembta kam ndoprena tipna kirara tikcari. Na an kambca mina iroar inkara moca paurence, na minmo mba otaca mina Rarañ Aetaniacmo mba ripacitndai. Na an reik lainga Rarañ Aetaniaca minmo mo ndoprinanna, mina mba matau lamñi garacitndai. ⁵ Na an aiña Rarañ Aetaniaca aimo mo ndoprinan, anna ma meikramtairmo moca mina Iesusmo gidik ngoinna tonjona, te, mina Rarañ Aetaniacna lamniacmo wandon rat ndeacnande. Te, mina lamñinandet, mina Rarañ Aetaniacmo tipemb ngorik kocor. Aintik an tipemb kirarir muruña minmo moca mina kabena meikramtairmo matñinande. ⁶ Ainda moca mina ndeida an tipemb kirarirmo tikcarica, mina an kamma, minij kocortanna ranjairina. ⁷ Na mina ndorimo tipemb wandik tamñirena ramtair ndaruna mori. Aintik mina ndorita mboprena reikta kambapa, ndorita mboprena kambca, mina mba matau lamñia garacrina. ⁸ Na aia lamñirenan, aia Tip Wandikmo wattacarica Rarañ Aetaniaca manmo larapacrina aiña mo te, anna ma reac lañ. ⁹ Na ai

1:3 Gal 1.6, na Pil 2.24 **1:4** 1 Ti 4.7, na 2 Ti 2.14-16, na Ta 1.14 **1:5** Ro 13.8-10, na Gal 5.14, na 2 Ti 2.22 **1:7** 1 Ti 6.4, na 6.20, na Ta 1.10 **1:8** Ro 7.12, na 7.16, na 7.22 **1:9** Gal 3.19, na 5.23

toco gainda lamjirena, Tip Wandikna aiņa ma meikramtair wandoik lainj tingiktanna wanaij. Na Tip Wandik toco, ma tipemb ŋgorikta makukara morena meikramtairapa, paņaind garuruarta meikramtairtan, na ma toca Raraņ Aetaniacmo mba ripacrena meikramtairapa, meikramtaira Raraņ Aetaniacmo tipemb ŋgorikca morenanmo, ma minan. Na Tip Wandik toco, ma Raraņ Aetaniacmo meikramtair wandoik wanaijapa, reik ratmo peperenanapa, mandaibinna ndorita aem, co, aetta mo menacrinanapa, kabena meikramtairmo pica menacrenanna, an toco ma minan. ¹⁰ Na Tip Wandik toco, ma an meacramootna kaņtertaapna tip kirara morenan, na meikramtairtanapa, ramootniņ, co, meacniņa tip ŋgadudukca morena, an toco ma minan. Na Tip Wandik toco ma tuombta aiņir kamndera morena meikramtairmo oikca aņgica aiņa morena ramtairapa, paparuna kammo ndada mbopca taņrenanapa, kaina tipemb kirarira ripti laņmo nda ipuņrena meikramtaira, Tip Wandik toco anna ma minan. ¹¹ Na gan kam gidikca Raraņ Aetaniaca aukmo neaņrina kam wembaņ laņna kirara, aku an wiwitirenan. Na an kam wembaņ laņa aia aindoprina, Raraņ Aetaniaca ma ndona memetacna tac gargar aniacap eacrenan. Na ma tamuņ ŋgoin, na aia mana imo memetmbaca aņgi ŋgepraņ.

Polā Raraņ Aetaniacmo kam laņ neaņrina ma

1:10 RL 19.4-5, na 1 Ti 6.3, na 2 Ti 4.3, na Ta 1.9 **1:11** Gal 2.7, na Kol 1.25, na 1 Te 2.4, na 1 Ti 6.15

manmo kadmairina

¹² Aintik aku, aina Kacoot Karais Iesusmo kam laŋ neaŋri, ma ripaca lamŋirena, aku mana aiŋa mona min. Ainda moca ma aukmo an aiŋa mona moca aukmo larapacrina. Aintik ma aukmo gargar neaŋgatna. ¹³ Na aku ndomo morina reikca aku mba lamŋirinan, na aku ritipac kocor. Na ŋgaua aku Iesusmo peperena kamb ŋgorikca mboprinan, na tip ŋgoreaca morinan, na nikkatrina ramoot, na Iesusa ma anna ndamŋirina, ma aukmo kakadmaina opotaca morina. ¹⁴ Ainda moca aina Kacoot Iesus Karais, ma aukna moca kakadmai aniacap tik, ma aukmo otaca aku mana ripaca, kabena meikramtairmo matŋirena.

¹⁵ Na gan kamma aku mbopeknanna, anna kam gidik ŋgoin. Ainda moca meikramtaira muruŋa an kammo waraca ripacnandet. Na an kamma gaind, Karais Iesusa, gan tiacarpaikca kipca aimo tipemb ŋgorikta makukara morena meikramtairmo mac nda aŋŋinandet. Na aku kakadmai ŋgoin, aku ndona tipemb ŋgorikta makukar momoca tamuŋ ŋgoin, ainda moca aku nemo tipemb ŋgorikta makukara momoca nemo outmbaica taŋrena ramoot. ¹⁶ Aintik Karais Iesusa ma toŋgorenanna, meikramtaira gaimda matau lamŋina, meikramtaira tipemb ŋgorikta makukara morenanmo Karaisa ma laŋanna eaca mina lambirena. Ainda moca ma aukmo out

1:12 Up 9.15, na Gal 1.15-16 **1:13** Up 3.17, na 8.3, na 9.4-5, na 1 Ko 15.9-10, na Gal 1.13 **1:14** Lk 7.47, na Ro 5.20, na 1 Ko 15.10, na 2 Ti 1.13 **1:15** Lk 15.2, na 19.10, na Ro 5.8, na 1 Ti 3.1, na 4.9, na 2 Ti 2.11, na 1 Io 3.5

ngoinna, kadmaia opotaca morina. Aintik ne aukmo wat garacna, an reicka ma aukmo morinan, mina watca, mitoco ripaca, iarwarna eteacna wat anjina. ¹⁷ Na ma iarwar ndeacrena Gagrirta Ramoot Pañan, na aia meikramtaira mamu mba watrena, na ma mba menacrena. Ma ndo kabe ngoinna Rarañ Aetaniac. Aintik aia muruñja memetmbaca iarwara mana i aniac anjica ngeprañ te, mamu out ngoinna tikrañnande. Anna gidik.

Timoti ma gagara ruñca tipemb ngorikta makukara mo irik

¹⁸ Na aukna nuoc Timoti, gan mimitpacna kamma, aku umu neañgeknanna, anna mina ngaua, unmo rambca morina tipna kirarna moca moatna. Te, u mina ranjai te, u runduñ laña moca tipemb ngorikta makukara moi iriknandet. ¹⁹ Aintik u Iesusmo matau ripac, na u lamñirena, u Rarañ Aetaniacmo makukar kocor. Na ramtair ndeida anna ranjaina kariri, ainda moca mina ritipaca langumma waut nagaca ngocrairina kirar toc. ²⁰ Na mina ndeida ainda morinanna, anna Eimeneusapa, Aleksander. Aintik aku maninmo Ramoot Mbikna para tikrinan, te, manija iro lañ anjica, Rarañ Aetaniacmo peperena kam ngoreaca mba mbo-pitndai.

1:17 Dan 7.14, na In 1.18, na Ro 16.27, na Ib 11.27, na 1 Io 4.12

1:18 1 Ti 6.12, na Iu 1.3 **1:19** 1 Ti 3.9, na 6.9 **1:20** 1 Ko 5.5, na 2 Ti 2.17-18, na 4.14-15

2

Aia mbendeia Raraŋ Aetaniacmo digica ma meikramtairmo muruŋa otacna

¹ Aina moca reac lacaua, u monanna anna gaind. U meikramtairmo mbopca mina muruŋa Raraŋ Aetaniacmo mbendeica manmo kam laŋ neaŋgarica manmo meikramtair ŋgotacna digi. Na manmo opotac laŋ neaŋna mbendei. ² Na mina Raraŋ Aetaniacmo mbendeica ma gagrirta ramtair paŋaindapa, ramtair paŋaindmo otac. Te, aia muruŋa eteac laŋ ndeacnandet. Na aia nikinik iro kabe niŋgik ndeac, te, Raraŋ Aetaniacna toŋgorena tipemb kirarirmo aia an ŋgoinna raŋgaica eacraŋ. ³ Na ainta mbembendeia ma Raraŋ Aetaniacna lamniac ŋgoutta laŋ. Na ma aimo mac nda aŋgina Ramoot, na ainta mbembendeia ma toŋgorenan. ⁴ Na ma meikramtairmo muruŋcamiŋa mac nda aŋginandet, te, mina kam gidikna miniŋa matau lamŋinandet. ⁵ Na aia lamŋirenan, Raraŋ Aetaniac kabe niŋgikca ndo eacrenan. Na Raraŋ Aetaniacapa, meikramtairta rikca witikca eacrena ramoot kabe niŋgik eacrena, na an ramootta anna Karais Iesus. ⁶ Na Raraŋ Aetaniaca larapacrina kidrik ndaru te, Karaisa ma ndona watnan kecariri, ma meikramtairmo muruŋcamiŋa mac oiknandet. Na an taup mbuŋa Raraŋ Aetaniaca aimo wandacrenan, na ma toŋgorinanna

2:1 Ier 29.7, na Esi 6.10, na Ro 13.1, na Epe 6.18, na Pil 4.6 **2:4** Esi 18.23, na In 3.16-17, na 17.3, na 1 Ti 4.10, na 2 Ti 2.25, na 2 Pi 3.9 **2:5** Ro 3.29-30, na Gal 3.20, na Ib 8.6, na 9.15, na 12.24
2:6 Mt 20.28, na 1 Ko 1.6, na Gal 1.4, na Epe 1.7-9, na 2 Te 1.10, na Ta 1.3

ma meikramtairmo muruŋa mac nda aŋgina. ⁷ Aında moca ma aukmo larapacrina, na mana up aŋgirena ramoot ian ndaruca, mana kammo wiwitina. Na ma aukmo ririptina aiŋ neaŋrinan, te, aku Iudana meikramtair wanaiŋmo, kam gidikapa, ritipacna kam riptina. Na aku kam gidikca mboprena, aku mba parurenan.

⁸ Aintik aku toŋgorenanna, ramtaira mben-deina mo te, mina kai ipuŋ teac, na ndorimo wandonŋ rat ndeac te, Raraŋ Aetaniacmo par gaca, mamo mbendei.

Meikpitikta lamboir laiŋga, anna aiŋ laŋa morena tipna kirar

⁹ Na aku toŋgorenanna, meikpitikca ndorita minna lamboir laiŋ tiŋgik aoc. Na mina kai kun teac, na kituknduk aniacna lamboirta reik, co, karorerpaik laiŋta lamboir, co, ndorita paŋaindta lakoara kai lanap teac. ¹⁰ Na meikpitikca Raraŋ Aetaniacna kamma raŋgairenanna, mina anna mo te, mina aiŋir laiŋga mo, anna ndo mina lamboira wandacnandet. ¹¹ Te, mina ndorimo tamuŋa kai tik teac, mina laŋan wetwet ndeac te, Raraŋ Aetaniacna kam mbarac. ¹² Aında moca aku meikpitikmo mba wattacarica, mina ramtairpitikmo, paŋanmbaia mba taŋrena, co, ramtairmo Raraŋ Aetaniacna kammo mba riptirinanna, wanaiŋ. Aku minmo wattacarica mina laŋan wetwet ndeaca kambmo kai kunni mbop teac. ¹³ Na ne warac, Raraŋ

2:7 Up 9.15, na Gal 1.16, na 2.7-8, na Epe 3.7-8, na 2 Ti 1.11 **2:8** Ais 1.15, na Mal 1.11, na In 4.21 **2:9** 1 Pi 3.3-5 **2:10** 1 Ti 5.10 **2:12** 1 Ko 14.34 **2:13** RL 2.7, na 2.21-22, na 1 Ko 11.8-9

Aetaniac, ma Adammo outta moatna, in̄mbaia ma Iba moatna. ¹⁴ Na Ramoot Mbikca Ibmo outta paruri, na Iba tip ngoreacna makukca moatna. Na ma Adammo mba paruatke, wanaij. ¹⁵ Na meikpitikta opotaca, mina moonnuoca mir te, an mbuja anna ndo minmo otacnandet. Na mina Karaismo memetmbaca ripacraŋ te, mina ndorita iroar laiŋ neaŋga, mina ratar teac te, kabena meikramtairmo matŋi te, Raraŋ Aetaniaca minmo mac nda anŋinandet.

3

Iesusna ritipaikta meikramtairta tumbunna nginaŋna aiŋa mona ramtaira mina tipemb kirarir laiŋ tingikca rangairan

¹ Na gan kamma aku mbopeknanna, anna kam gidik ngoin. Na ramoot ianna Iesusna ritipaikta meikramtairta tumbunna nginaŋna aiŋa mona tonŋon aniacap te, ma aiŋ laja tonŋorena. ² Na gan tipapna kirarna ramoot, ma Iesusna ritipaikta meikramtairta tumbunna nginaŋna aiŋa mona min. Na ma tipemb ngorikca mo ngocorta ramoot, na ma meac kabeapna ramoot, na nikca mba tawi katrenan, na ma eteac lajapa iro lajna ramoot, na tip lajna kirara morena ramoot, na Raraŋ Aetaniacna kammo meikramtairmo matau riptina minna ramoot. ³ Na ma puk gargara mba ammi ŋaŋaorena ramoot, na ma nikca mba tawi owairena ramoot,

2:14 RL 3.1-6, na 2 Ko 11.3 **3:1** Up 20.28, na Epe 4.12, na Pil 1.1, na 1 Ti 1.15 **3:2** 1 Ti 5.9, na 2 Ti 2.24 **3:2** Ta 1.6-9

na ma mba ruņrena ramoot, na ma kitukndukna toņtoņ aniacna mba morena ramoot. ⁴ Na ma ndona kacnimnanapa, mana meacapa, mombonikmo matau raupņirena, na mana mombonikca mana kam mbaraca raņgairena. ⁵ Na ramootta ndona meacapa, mombonikmo matau raupņi ņgocor te, ma Iesusna ritipaikta meikramtairta tumbunna aiņ aņģi mona minna wanaiņ. ⁶ Na mandeba ripacrena ramoot, ma an aiņa mba aņģiitndai, moca ma paņan gargar ndaru nari, te, an ritri waparaca Raraņ Aetaniaca Paparuna Ramootta morinanna, ma mamoto co aında monande. ⁷ Na ripac ņgocorta raekmbaina tumbunna meikramtaira mina wat te, ma i laņapa, tipemb kirarir laiņgapna ramoot, ma ndo an aiņa mona min. Na ma an iremb kocor, na tipemb kirarir laiņ kocor, te, meikramtaira mamokam ņgorik ndopnandet, na ma Paparuna Ramootna weaņa mbuknandet.

Iesusna ritipaikta meikramtairta tumbuna aiņa morena ramtaira tipemb laiņga raņgairaiņ

⁸ Na an kirar toco, ramootta Iesusna ritipaikta meikramtairta tumbunna, aiņa mona ramoot ndaru te, ma tipemb ņgorikca mba morena ramoot, na kirpaina mimna ramootta wanaiņ, na puk gargar mba amba ņaņaorena ramoot, na kitukndukna toņtoņ aniacna mba morena ramoot. ⁹ Na mina Raraņ Aetaniaca, aimo wandacatna, kam wembaņ laņa ripaca matau utiņa, Raraņ Aetaniacna lamniacmo tipemb ņgorik kocor.

¹⁰ Na minmo pac towaia wat, mina an aiņa mona min te, minmo an aiņ nearņa mina mo. ¹¹ Na an kirar kabea mina meikpitik toca, mina aında mo, mina tipemb ņgorikca mba morena meik, na kamma tamtamma kai ndoņdoņa kai rapac taņ teac, na puk garga mba amba ņaņaorena meik, na mina mataua lajan ndeaca, ndorita aiņira wandoikca morañ. ¹² Na Iesusna ritipaikta meikramtairta tumbunna aiņa mona ramoot, ma meac kabe niņgik lanjo, na ma ndona mombonikmo matau raupņirena ramoot, na ma ndona kacnimnan motocmo, matau raupņirena. ¹³ Na Iesusna ritipaikta meikramtairta tumbunna aiņa morena ramtair, mina aiņir laiņa mo te, mina iremb laiņ aņģinandet. Na mina Karais Iesusna ritipacna kamma mba wiwiti nake, mba rugutta mba moitndai.

Raraņ Aetaniacna tipemb kirarirta kamna miniņa, anna reac aniac ņgoiņ

¹⁴⁻¹⁵ Aında moca aku umo tawi kipca watna tonjorena. Na reac ianna aukmo moca aku tawi kip ņgocor ndacari te, u gan timbiņ rapara aku tirca neaņa kipeknanna, u anna watca u lamņinandet. Aında moca Raraņ Aetaniacna tipemb kirarir laiņa aia mana meikramtaira anna raņgairañnandet. Na aia Raraņ Aetaniacna wiwitnan, aia Raraņ Aetaniaca memetmbaca eacrena Iesusna ritipaikta meikramtairta tumbunna, na an Iesusna ritipaikta meikramtairta tumbuna anna

ma kacna wit gargara kam gidikca mbukca eacrenan toc. ¹⁶ Na aia matau lamñirena, Rarañ Aetaniacna tipemb kirarirta kam miniña anna reac aniac ngoin. Na an kamma Rarañ Aetaniaca aimo wandacrenanna gaind,

Ma ramootna kirara laruca eacri,
 meikramtaira mamó watri.
 Na Njeronj Ratta mana tipna kirar wandonjo
 wandacrina,
 ma wandonj ngoin,
 na Rarañ Aetaniacna mbaiña aiña morena
 ñerngaura mamó watri.
 Na meikramtaira mana kammo
 gan tiacarpaikna pitrik wajna
 meikramtairmo wiwiritinan,
 ri, gan tiacarpaiknanda maripacat.
 Na Rarañ Aetaniaca mamó tamuña auñ
 naañgica gaca,
 ma memetacapa i aniac maañgiat.

4

Paparuna ririptiara meikramtairta iroara moi paurirena

¹ Na Njeronj Rat, ma wandonj ngoinna mataua mambopat, oit ianna min mbuña, meikramtair ndeida mina ndorita ritipaikca, mba mac utingga gagraca eacitndait. Mina an paparuna ñerngaurta kambca waracnandet, na mirpembrarainja riptia ranjainandet. ² Na

3:16 Mk 16.19, na In 1.14, na 16.8-9, na 1 Pi 1.12, na 3.18 **4:1**
 2 Ti 3.1, na 1 Pi 1.20, na 2 Pi 2.1, na 3.3, na 1 Io 2.18, na Iu 1.18,
 na KIEK 9.20, na 16.14

ainta ririptiar, mina kirpaina mim mbuŋa meikramtairmo an paparuna kambca ripti mbopnande. Te, an meikramtairta iroara moi paurinandet, te, mina ndori punŋa morina tipemb ŋgoriktake, mba garacitndait. ³ Na an meikramtaira, mina meikramtairmo wandik tikca, mina mba lanŋoitndai. Na mina Raraŋ Aetaniaca moca tikrina amta reikmo mba anŋica amitndait. An reikca ma ndo morinanna, na aia mana ripacrena meikramtaira mana kam gidik ndamnjirenanmo, an reik anŋica am te, manmo kam laŋ neaŋna. ⁴ Aintik aia lamnjirena, Raraŋ Aetaniaca morina reikca mina muruŋa laiŋ tiŋgik, na aia ŋgoreaca kai mbop teac, aia mammo mbendeica kam laŋ neaŋga anŋi niŋgik. ⁵ Aina moca aina mbembendeiapa, Raraŋ Aetaniacna kamb, an amta reikca moca mina muruŋa Raraŋ Aetaniacna lamniac ŋgoutta, rat malaruat.

Timotia ma Karaisna aiŋa mona ramoot laŋ ndeacna

⁶ Na Timoti, u an kammo Iesusa ripacrena laiplacarmo ripti mbop te, u Karais Iesusna aiŋa morena ramoot wandonj ndeacnandet. Te, aia ripacatna kammapa landamnjiar laiŋga anŋica ranŋairenanna, u anna gargar aniac anŋinandet. ⁷ Na u an miniŋ kocorta nininiarmo iŋ neaŋ, na meikramtaira riptia mboprena kamb ŋgorikcapa ŋaŋaorena kambmo iŋ neaŋ. Na u Raraŋ Aetaniacna tipemb kirarirta moca u anna

4:3 RL 9.3, na Ro 14.6, na 1 Ko 8.8, na 10.30-31, na Kol 2.20-21, na Ib 13.4 **4:4** RL 1.31, na Up 10.15, na Ro 14.14, na 14.20, na 1 Ko 10.25, na Ta 1.15 **4:7** 1 Ti 1.4, na 6.20, na 2 Ti 2.16, na 2.23, na Ib 5.14

riпти matau anđi. ⁸ Na u lamņirenanna, aia ndorita tikembca moi gagranan, na aia memetmbaca ndorita tikembmo matau moi kocrorena aija moran te, anna aimo emtemma otacnandet. Na aia Raran Aetaniacna tipemb kirarira moi gagrana mo te, ma aimo opotac aniac ngoinna neanndet. Te, ma aimo, inmbaina iarwarna eteacna watapa, mandeaca aia eacrena watmo otacnandet. ⁹ Na gan kamma anna gidik gidik ngoin, meikramtaira muruņcamija waraca ripacnandet. ¹⁰ Anna moca aia ainjir anikca moca Raran Aetaniaca ripacatna, ma iarwarna eteacna watapna Raran Aetaniac, ma meikramtairmo muruņ mac nda anđina ramoot, an meikramtaira man ngoinna ripacrenanna, ma aimo mac nda anđinandet. Aintik aia man ngoinna ripacrenan, na aia lambia, ma aimo tipemb kirarir lainđa mataua morenan. Ainda moca aia memetmbaca ainjir anikca morenan.

¹¹ Ainda moca u gan kammo meikramtairmo gagra mbopi warac, na minmo gan reikmo riptica mbopi warac, te, mina ranđaina. ¹² Te, minmo kai watcarica, mina unmo moi irikca aindopna, u nuoc ngam ngoin. Ainda moca u an ripacrena meikramtairmo, gainda wandaca mina wat, una kam ndondop lainђunđa, na una eteac, na una mamatњи, na una ndiarna tip, na una ritipacapa, una Raran Aetaniacna lamniac ngout ndeacrena tipemb kirarir wandoik lainđa, u minmo wandac. ¹³ Na aku umo kip ngocor

4:8 Nђap 37.4, na Mt 6.33, na Ro 8.28, na Kol 2.23, na 1 Ti 6.6

4:9 1 Ti 1.15 **4:10** Nђap 36.6, na 1 Ko 4.11-12, na 1 Ti 2.3-4

4:12 1 Ko 16.11, na Ta 2.7, na 2.15, na 1 Pi 5.3

te, u meikramtairmo Raraŋ Aetaniacna Timbigta Kapmo watca, minmo an kamna miniŋmo Raraŋ Aetaniaca tongorenanna, minmo an wiwitica ripti mbop. ¹⁴ Aintik u kai ŋate teac, an kakadmaina opotac aŋgi meraca eac te, an kakadmaina opotaca Raraŋ Aetaniaca umo wanaiŋa neaŋrina. An kakadmaina opotaca ma Iesusna ritipaikta meikramtairta tumbunna, ramtair paŋaindta para tikca, mina ndorita pairmo una paŋanna tikatke, una tipemb kirarirmo rambca moca mboprinan. ¹⁵ Aintik memetmbaca u ndona aiŋmo matau wat. Na u aiŋirmo muruŋ ŋgoinna matau mo, te, meikramtaira an una tipemb kirarir wandoikca watna. ¹⁶ Na u ndona tipemb kirarirmo, matau wat, na an aiŋir toco, u meikramtaira riptirenanmo, matau wat. Na u anna moi gagra te, una aiŋ mbuŋa, Raraŋ Aetaniaca un mac nda aŋgi te, an meikramtaira una kamb mbaracrenan toco, ma minmo mac nda aŋginandet.

5

Timotia meikramtairmo ndona racaindpaiknan toca raupŋi

¹ Na u ramtair bagrarmo kai latik teac, u minmo laŋan wetwet ndop, na an tipna kirara u ndona aetta morenan, u min motocmo, ainda mo. Na an tipemb kirarir kabemo, u nuik ŋgaibmo, u ndona laiplacara morena tipemb

4:14 Up 6.6, na 8.17, na 13.3, na 19.6, na 1 Ti 1.18, na 2 Ti 1.6

4:15 1 Ti 5.22 **4:16** Up 20.28, na Ro 11.14, na 1 Ko 9.22, na Ie 5.20 **5:1** TN 19.32

kirarirmo, min motoco an tipemb kirarira mo. ² Na an tipemb kirarir motoco, u ndona aemma morenan, u meik bagrarmo ainda mo. Na Raraŋ Aetaniacna lamniac ŋgoutmo, u mombour ŋgaibmo, an tipemb kirarir lainga, u ndona mbica morena tipna kirara, u min motoco ainda mo.

Pola Timotimo aindoprina, mandaia ndo meik koinmbarmo raupŋina

³ Na meac konimma reik kocor te, u manmo matau bubuoca raupŋi. ⁴ Na meac konimma mombonikapa, rimbnarapnan te, out ŋgoinna an mombonikapa rimbnara gaimd ndamŋi, mina ritipaikca towai tikca ndorita racaindpaikmo raupŋi, te, an tipembta kirarira mina ndorita aemeraterapa, nicarmo otacrenan, na an tipna kirara Raraŋ Aetaniaca tonjorenan.

⁵ Ainda moca meac konimma ndo kabe ŋgoinna eacrenanna, ma gaimda mo, ma ndona ritipacmo Raraŋ Aetaniacna para tikca, na ma mouŋapa raap memetmbaca ma mbendeiran, na manmo ndo ŋgotacna digiran. ⁶ Na meac konimma ndona tikna tonjona ranjaica eacrenan, an meaca ma Raraŋ Aetaniacna lamniaca ma menaca eacrena meacna kirar toc. ⁷ Aintik u minmo gan kam toco neaŋ. Na mina tipemb kirarir lainga mo te, meikramtaira minmo kamb ŋgorikca mba mbopitndait. ⁸ Na mandaia ma ndona racaindpaikapa, mana aemmapa, aetmo otac ŋgocor, ma ndona ritipaca ma kecamariri,

5:4 Mt 15.4, na Epe 6.1-2, na 1 Ti 2.3 **5:5** Lk 2.37, na 18.1, na 18.7, na Up 26.7, na 1 Ko 7.32 **5:8** Ais 58.7, na Mt 18.17, na Gal 6.10, na Ta 1.16

na ma ngoreac ngoin. Na Raraŋ Aetaniacmo riƣac ngocorta meikramtaira, mina ainta tipemb kirarir ngorikca, mba morenan.

⁹ Na meac konimma 60na minna iarira wanaiŋ te, mana ia an meik koinmbarta irembap kai tik teac, u 60na minnan niŋgikca tik. Na ma ramoot, kabe niŋgikca laŋgoca menaca eacrena meac.* ¹⁰ Na ma tipemb kirarir laiŋga morena iap nameac. Ma ndona mombonikmo mataua raupŋirenana, na ndiarna tip kirara morenan, na mina taup tawannan kip te, amna reac neaŋgabrena. Na ma Raraŋ Aetaniacna meikramtairta ortimbikniŋna tiacar tukirena, na makukapnanmo otacrena, na kabena ainta aiŋir laiŋga morena.

¹¹ Na an meik koinmbar nŋaibmo, u mina irembca kai aŋgi teac, iŋmbaia mina laŋgona toŋtoŋgar nŋep te, mina laŋgo te, mina Karaismo iŋ neaŋnandet. ¹² Na an tipembta kirarira mina out ngoinna Raraŋ Aetaniacap ndorita kamb leacatnanna, mina an titac te, mina ndorimo makukar maneaŋgek. ¹³ Na reac ian toco, mina morenanna, mina aiŋira momona ŋate te, mina nŋepca kac kaca, tumbaia taŋraŋnandet. Na mina kambmo ndoŋndoŋ rapaci mbopi taŋraŋ te, kabena meikramtairmo

* **5:9** Na aia mba lamŋiri, kaina moca mina an meik koinmbarta iremb aŋgirina. Landamŋina ramtair ndeida gaind ndamŋirina, an meik koinmbara, mina kamb leacatna, mina Raraŋ Aetaniac niŋgikna aiŋ moranŋande, na mina mba mac laŋgoitndai. Aina moca Iesusa riƣacrena laiplacara an kamb leacatna, te mina meikta iremb aŋgica mina minmo gagamna amta reikca otacrena. **5:10** Ib 13.2 **5:13** 2 Te 3.11

injmbai ndopranandet. Ainda moca mina mboprena kamb wit anikca aia mbopna toawanain, an kambca wandoikca wanain. ¹⁴ Ainda moca aku gaind ndamnjirena, an meik koinmbar ngaibmo wattacarica mina langoca, mombonikca mirca, ndorita kacnimnanmo raupnjina. Na mina ainda mo te, puņnaņgepta ianna min morena tipemb kirarira watca, aimo kamb ŋgorikca mba mbopitndai. ¹⁵ Na u lamnjirena, mina ndeida taup laņmo tikcarica, mina Ramoot Mbikca maraņgaiek. ¹⁶ Na ripacrena meaca, ma ndona racaindpaikna meik koinmbarap eac te, ma ndo minmo raupnja otacnande, te, Iesusna ritipaikta meikramtairta tumbunmo makukca mba neaņitndai. Ainda mo te, Iesusna ritipaikta meikramtairta tumbunna meikca, an meik koinmbara reik kocortanmo otacna.

Iesusna ritipaikta meikramtairta tumbunna ŋginaņa ramtair paņaindmo aia minmo matau raupjiraņ

¹⁷ Na an Iesusna ritipaikta meikramtairta tumbunna ŋginaņa morena ramtair paņainda, mandaibinna wiwitirenanapa, riptina aiņ ŋgoinna morena ramtairmo, wattacarica mina iremb anikapa opoik anik aņgina. ¹⁸ Na aia lamnjirena, Raraņ Aetaniacna timbigta kapca gaindopatna, “Aia bulmakaoa, witna lournu lapea mo kecarina aiņa morinanmo, mana upa kai tamai teac.” Na aia lamnjirena, “Aiņa morena ramtaira mina ndorita aiņjirta

5:14 1 Ko 7.9 **5:17** 1 Ko 16.18 **5:18** TW 25.4, na Mt 10.10, na Lk 10.7, na 1 Ko 9.9

opoikca mina anġirena.” ¹⁹ Na ramoot ianna gaindop te, “Iesusna ritipaikta meikramtairta tumbunna nġinaġa morena ramoot paġanna tip ngoreacna makukca mo te,” u ramoot kabe mbopekna kamma kai warac teac, ramoot mbuniġ co, mbonkac mbop te, u mina kamb mbarac. ²⁰ Na Iesusna ritipaikta meikramtairta tumbunna nġinaġa morena ramtair paġainda, mandaibinna tipemb nġorikta makukara moranġ te, minmo anġica meikramtairta outta tikca, minmo latik te, meikramtaira anna watca nanambinandet.

Timotia ma ndona tipembta kirarirmo matau raupġiraġ

²¹ Na Timoti, aku unmo wandonġ nġoin mambopek, u Raraġ Aetaniacapa, Karais Iesusapa, Raraġ Aetaniacna mbaiġna aiġa morena nġernġaurta lamnikmo, aku unmo neanġrina kambmo, matau raupġi. Te, u kabena meikramtairmo tipemb kirarir laiġa moranġ. Na u, mina ndeidmo tipemb kirarira laiġa kai kunni, mo teac. ²² Na u ramootmo kai tawina larapaca Raraġ Aetaniacna aiġa mona mo teac, u ndona parmo mana paġanna kai tawi tik teac. Moca kabena ramootna tipemb nġorikta makukara u manap anġinandet. U ndomo matau raupġi, na Raraġ Aetaniacna lamniacmo wandonġ rat ndeac.

5:19 TW 17.6, na 19.15, na 2 Ko 13.1 **5:20** TW 13.11, na Gal 2.11, na 2.14, na Epe 5.11, na Ta 1.13 **5:21** 1 Ti 6.13, na 2 Ti 2.14, na 4.1 **5:22** Up 6.6, na 13.3, na 1 Ti 4.14, na 2 Io 1.11

²³ Na u an puk kabi gagamna tipna kirarmo, tikcarica u wainna puk emtem am te, ma una nikinikna roumbca, unmo memetmbaca larurenanno, mo kecarinande.

²⁴ Na meikramtair ndeidta, tipemb ngorikta makukara mina raekca larunande, te, an tipemb ngorikta makukara mina outta tanca ritri waparacna taupca larunandet. Na ramtair ndeida, mina tipemb ngorikta makukara ingoroca eacrenanna, injmbaia mina raekca larunandet.

²⁵ Na an tipna kirar mbuņa, an tipemb lainņa laruca raekca tiknandet. Na tipemb lainņa tawi laruca raek ndeac ngocor te, mitoco mba ingoroca eacitndait.

6

Tuombta aiņir kamnderta ramtaira tipemb kirarir laiņ tiņgikca mo

¹ Na tuombta aiņir kamndera morena ramtair, mina ndorita ramtair paņaindmo torica, mina kaņgakca eacraņnandet. Te, meikramtaira Raraņ Aetaniacna imo kam ngoreaca mba mbopitndai. Na aina riptirena kam motocmo peperena kam ngoreaca mba mbopitndai.

² Na tuombta aiņir kamndera morena ramoot paņan, ma Iesusa ripacrena laiplacarta ian ndaru te, mina manmo kai torica ņate teac, ma ande aina kaka ngoin. Aintik mina mana aiņa mataui mo, man mbuņa mina eteac laņ aņņinandet, na mina manmo matņi. Na an

6:1 Ro 2.24, na Epe 6.5, na Kol 3.22, na Ta 2.5, na 2.8-9, na 1 Pi 2.18 **6:2** Kol 4.1, na 1 Ti 4.11, na Pm 1.16

reikmo u meikramtairmo muruņa matau gagra ripti.

Paparuna riptina kamma, kitukndukca matņirenanna anna tip kirar ņgoreacna miniņ ņgoiņ

³ Na aina Kacoot Iesus Karaisna kambca ma aimo Raraņ Aetaniacna tipemb kirarir laiņmo riptirena. Na ramoot ianna an tikcari te, ma Iesusna kambta kirara wanaiņa meikramtairmo kabena kambmo ripti te, ⁴ na aia lamņinandet, an ramootta ma ndona tipemb kirarirmo tonņon ņgoiņ. Aintik ma paņan gargar, na ma reac ianna mba lamņirenan. Mana iroa ma reikmo kam mbuņa mbopca gagrarenan, na iptipuņna iroap, na kam mbuņa ipuņrena. An kamma meikramtairmo moca mina nikka-trena, na ipuņrena, na kabena meikramtairmo peperena kam ņgoreac ndoprenan, na kabena meikramtairmo iro ņgoreacap eacrena. ⁵ Ainda moca memetmbaca mina kam mbuņa ipuņrena. Na ainta ramtairta iroara, kocnaia ņaņaorina, aintik mina kam gidikca mba lamņirenanna. Mina Raraņ Aetaniacna tipemb kirarirmo, reik aņģirena taup ndoprena.

⁶ Na aia Raraņ Aetaniacna tipemb kirarira rangai te, ma aimo neaņrena reikca aia tonņonandet. Te, aia reik witta aņģinandet. ⁷ Na aia lamņirena, aina aemera aimo mirrina, aia

6:3 Gal 1.6-9, na 2 Ti 1.13 **6:4** 1 Ko 8.2, na 1 Ti 1.4, na 1.7, na 2 Ti 2.23, na Ta 3.9 **6:5** 1 Ko 11.16, na 2 Ti 3.8, na 4.4, na Ta 1.11, na 1.14, na 2 Pi 2.3 **6:6** ņap 37.16, na ML 15.16, na Pil 4.11-12, na 1 Ti 4.8, na Ib 13.5 **6:7** Iop 1.21, na ņap 49.17, na ML 27.24, na LR 5.15

gan tiacarpaikmo reac ianna mba anđi kiprinan, na aia gan tiacarpaikmo tikcarica taŋ te, aia reac ianna mba anđi taŋitndai. ⁸ Na aia amta reikapa, tik ŋgapoikta lamboirap te, aia gaidopnandet, “Anna aimo min.” ⁹ Aintik meikramtaira lamin aniaca tongorenanna, totowaira kipca, minmo towaica mina anna irik te, mina ande ŋgoemma weaŋa mbukca eacrena kirar toc. Te, mina iroar inkara moca mina ŋgepca reik ŋgorikca monandet. Te, anna ndo minmo moi iroar paurinande. Na an tipna kirar mbuŋa minmo moca mina ŋgocrainandet. ¹⁰ Ainda moca kitukndukar matŋirenanna, anna ndo tipemb ŋgorikta makukar witna miniŋ. Aintik ramtair ndeida kitukndukca matŋirenanna, an tipemb kirarir puŋga mina ŋaŋaoca ndorita ritipaikmo, kecamacariri. Na mina makukar anikca mbukraŋnande.

U paŋpaiŋa oot te, u iarwarna eteacna wat anđinandet

¹¹ Na u Raraŋ Aetaniacna ramoot, u an reikta moa kipcarica, na u gan reikca raŋgai, u ramoot wandaŋa eaca, u Raraŋ Aetaniacna tipca matau raŋgaia, na u Raraŋ Aetaniacmo matau ripac, na kabena meikramtairmo matau matŋi, na una ritipaca moi gagraca eac, na kabena meikramtairmo iro wetwet neaŋ. ¹² Te, u ndona ritipacna moca, runduŋ laŋa ruŋ. Na u ndona iarwarna eteacna watmo u matau utiŋ, anna

6:8 ML 30.8, na Ib 13.5 **6:9** ML 23.4, na 28.22, na Mt 13.22, na 1 Ti 1.19, na 3.7, na Ie 5.1 **6:10** NA 23.8, na TW 16.19, na Epe 5.5 **6:11** 2 Ti 2.22 **6:12** 1 Ko 9.25-26, na 1 Ti 1.18, na 2 Ti 4.7

moca, umo acatna, u meikramtair witta lamnik ngoutta, tikca u ndo Raraŋ Aetaniaca ripacatna kam ndopatna.

¹³⁻¹⁴ Na reikmo muruŋa wat neanrena Raraŋ Aetaniacna lamniacapa, Karais Iesusna lamniacmo, ma gagraca witikca Pontius Pailatmo kambmo wiwitirenanna, aku unmo gagraca aindopek. U an anŋiatna kambmo matau ranŋai. Na an kambmo kai mo pauri teac, na reac ianna kai moca meikramtaira anmo kamb ngorik topnandet. Wanaiŋ. U anmo matau ranŋaia taŋca aina Kacoot Iesus Karaisa raekca laruna.

¹⁵ Taŋca aina Raraŋ Aetaniaca larapacrina ra laru te. Na Raraŋ Aetaniac, ma tongorena tipemb kirarira ma anna miniŋ. Na ma ndo kabea reikmo muruŋa bubuocrena ramoot. Ma gagrirta ramtair paŋaindta Gagrirta Ramoot Paŋan, na ma kacootarta Kacoot Paŋan, ¹⁶ na ma mba menacrenan, na ma memetac aniacap eacrenan, na ramoot ianna manmo mba watri, na mammo watna minna wanaiŋ. Aintik aia muruŋa mana i aniacmo anŋi ngepraŋ, na mana gargara iarwara eacraŋnandet. Anna gidik.

Meikramtaira lamin wit aniacap, mina Raraŋ Aetaniacmo ripaca, kabena meikramtairmo otac

¹⁷ Gan tiacarpaikna lamin aniacapna meikramtairmo, u minmo matau mbopi gagraca,

6:13-14 In 5.21, na 18.36-37, na 19.11, na Pil 1.6, na 1.10, na 1 Te 3.13, na 5.23, na 1 Ti 5.21, na KIEK 1.5 **6:15** TW 10.17, na 1 Ti 1.11, na 1.17, na KIEK 17.14, na 19.16 **6:16** NA 33.20, na In 6.46, na Pil 4.20, na Iu 1.25 **6:17** Njap 62.10, na Mk 10.24, na Lk 12.20-21, na 1 Te 1.9

mina ndorita irembmo, tamuŋa kai aŋgi ga teac. Na mina ndorita lamin aniacna moca kai ripac teac, anna ma memetmbaca mba eacitndai. Mina Raraŋ Aetaniacmo ndorita ritipaik tik te, ma ndo aina toŋtoŋgarta landamŋarta reikca ma neaŋnandet. ¹⁸ Na minmo matau mbopi gagraca, mina tipemb kirarir laiŋga moraŋ, na meikramtaira reik ŋgocortanmo otac, na ndorita reikmo biŋai. ¹⁹ Na mina ainda mo te, iŋmbaia min ŋgopotacna reik wit aniacna, mina aŋgi wembacnandet. Na mina an kipekna iarwarna eteacna watta, mina anmo aŋgica utiŋnandet.

Timoti, ma ndona aiŋmo matau raupŋi

²⁰ Na Timoti, an reaca mina una para tikrinanmo u matau raupŋi. Na an kambca miniŋ kocortanna, u anmo iŋ neaŋ, na meikramtaira Raraŋ Aetaniacna kammo ranŋai ŋgocortanmo u mina kambca kai warac teac. Na an meikramtaira ndorimo gaimda morena, mina landamŋi laiŋgap nandmo u minmo tawan ndeac. Na mina kam kambca muruŋa ipuŋga mbopreke, mina Raraŋ Aetaniacna ritipimo ndarena. ²¹ Ainda moca ramtair ndeida an landamŋia ranŋaia, mina ritipacna iroar aŋtaŋgia mina mandarekrekeri.

Na Raraŋ Aetaniacna kakadmaina opotaca ne-
nap eacnandet.

6:18 Ro 12.13, na Ta 3.8, na Ib 13.16, na Ie 2.5 **6:19**
Mt 6.19-20 **6:20** 1 Ti 4.6-7, na 2 Ti 1.14, na 2.14, na Ta 1.9, na
KIEK 3.3 **6:21** 1 Ti 1.16, na 1.19, na 2 Ti 2.18

**Raraŋ Aetaniacna Kam Wembaŋ Lan
New Testament in Mborena Kam language
Nupela Testamen long tokples Mborena Kam long
Niugini**

copyright © 2016 Pioneer Bible Translators

Language: Borei

Translation by: Pioneer Bible Translators

© Pioneer Bible Translators Association of Papua New Guinea, Inc.; © Pioneer Bible Translators of Dallas, Texas, USA

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 11 Nov 2022 from source files dated 29 Jan 2022

8e1073ed-d2dc-5f3a-bb48-5406185123a7